




Барилга угсралт, их засварын ажил 2021 оны эхний хагас жилийн урьдчилсан гүйцэтгэлээр 1.5 их наяд төгрөг болж, 1 499.4 (96.8%) тэрбум төгрөгийн ажлыг дотоодын барилгын байгууллага, 48.9 (3.2%) тэрбум төгрөгийн ажлыг гадаадын барилгын байгууллага гүйцэтгэсэн байна.

Барилга угсралт, их засварын ажил 2021 оны эхний хагас жилийн урьдчилсан гүйцэтгэлээр өмнөх оны мөн үеэс 467.8 (23.2%) тэрбум төгрөгөөр буурахад гадаадын барилгын байгууллагын гүйцэтгэсэн барилга угсралт, их засварын ажил 24.2 (97.5%) тэрбум төгрөгөөр өссөн хэдий ч дотоодын барилгын байгууллагынх 491.9 (24.7%) тэрбум төгрөгөөр буурсан нь нөлөөлсөн.



Барилга угсралт, их засварын ажил, гүйцэтгэгчийн төрлөөр, жил бүрийн эхний хагас жилийн байдлаар /тэрбум төгрөг/




Дотоодын байгууллагаас хувийн байгууллагын гүйцэтгэсэн барилга угсралт, их засварын ажил 1.2 их наяд төгрөг болж, өмнөх оны мөн үеэс 550.7 (30.6%) тэрбум төгрөгөөр буурсан хэдий ч төрийн байгууллагын гүйцэтгэсэн барилга угсралт, их засварын ажил 229.1 тэрбум төгрөгт хүрч, өмнөх оны мөн үеэс 55.1 (31.6%) тэрбум төгрөгөөр, гадаадтай хамтарсан байгууллагынх 21.8 тэрбум төгрөгт хүрч 3.7 (20.6%) тэрбум төгрөгөөр тус тус өссөн байна.




Энэ оны эхний хагас жилийн байдлаар барилга угсралт, их засварын ажлын 33.9 хувийг орон сууцны барилга, 38.1 хувийг орон сууцны бус барилга, 25.6 хувийг инженерийн барилга, байгууламж, 2.4 хувийг их засварын ажил эзэлж, өмнөх оны мөн үеэс их засварын ажлын эзлэх хувь 0.1 пунктээр, орон сууцны барилгынх 4.1 пунктээр тус тус өссөн бол инженерийн барилга, байгууламжийн эзлэх хувь 0.6 пунктээр, орон сууцны бус барилгынх 3.7 пунктээр буурсан байна.

БАРИЛГА УГСРАЛТ, ИХ ЗАСВАРЫН АЖЛЫН БҮТЭЦ /ХУВИАР/




Барилгын байгууллагын гүйцэтгэсэн барилга угсралт, их засварын ажил, төрлөөр, тэрбум төгрөг






Орон сууцны бус барилга, төрлөөр, жил бүрийн эхний хагас жилийн байдлаар /тэрбум төгрөг/



Орон сууцны бус барилгын гүйцэтгэл 2021 оны эхний хагас жилд урьдчилсан гүйцэтгэлээр 590.3 тэрбум төгрөг болж, өмнөх оны мөн үеэс 251.9 (29.9%) тэрбум төгрөгөөр буурсан байна. Үүнд, худалдаа, үйлчилгээний барилгын гүйцэтгэл 7.3 (15.0%) тэрбум төгрөгөөр, эмнэлгийн барилгынх 11.7 (34.8%) тэрбум төгрөгөөр, үйлдвэрийн барилгынх 16.5 (4.6%) тэрбум төгрөгөөр, орон сууцны бус бусад барилгынх 94.9 (56.1%) тэрбум төгрөгөөр, сургууль, соёлын барилгынх 121.6 (51.9%) тэрбум төгрөгөөр тус тус буурсан нь нөлөөлсөн байна.

Дотоодын барилгын байгууллагын гүйцэтгэсэн барилга угсралт, их засварын ажил /тэрбум төгрөг/




Улаанбаатар хотод 2021 оны эхний хагас жилийн урьдчилсан гүйцэтгэлээр 618.4 тэрбум төгрөгийн барилга угсралт, их засварын ажил хийгдсэн нь улсын дүнд 41.2 хувийг эзэлж, өмнөх оны мөн үеэс 1.2 пунктээр буурсан байна. Харин барилга угсралт, их засварын ажлын 58.8 хувийг аймаг, орон нутагт баригдаж буй барилга угсралт, их засварын ажил эзэлж байна. Дотоодын барилгын байгууллагын гүйцэтгэсэн барилга угсралт, их засварын ажил 2021 оны эхний хагас жилийн урьдчилсан гүйцэтгэлээр Өмнөговь аймагт 375.8 тэрбум төгрөг, Дорноговь аймагт 244.5 тэрбум төгрөг болж, энэ нь аймгуудын барилга угсралтын ажлын дүнд 70.4 хувийг эзэлж байна. Эдгээр аймгийн нутаг дэвсгэрт төмөр замын болон газрын тосны үйлдвэрийг дагасан барилга угсралтын ажил эрчимтэй явагдаж байна.

Эх сурвалж: ҮСХ, Барилга байгууламж, объектын улирлын мэдээ (ББО-1)



БАРИЛГА УГСРАЛТ, ИХ ЗАСВАРЫН АЖИЛ, ДОТООД, ГАДААДЫН БАРИЛГЫН БАЙГУУЛЛАГААР /ТЭРБУМ ТӨГРӨГ/ 2010-2020 он



Тайлбар: Дотоодын барилгын байгууллагын гүйцэтгэсэн ажилд хувийн болон төрийн байгууллагын гүйцэтгэсэн ажлыг оруулсан.